

## عشر ذي الحجة كنترول فليكس | #محاضرة | د. حازم شومان

حازم شومان

السلام عليكم ورحمة الله وبركاته. الحمد لله وكفى وصلة وسلاما على عباده الذين اصطفى. اللهم لك الحمد كله ولك الملك كله وبيدك الخير كله واليک يرجع الامر كله. اللهم صل على عبدك ونبيك محمد صلى الله عليه وسلم. في الاولين والاخرين وفي كل - 00:00:00 في وقت وحين. اما بعد اخوانی واحبابی في الله يعني من ايام كنت في جولة مع احد اخوانا وحبابينا يعني. فنازلين في جولة آآ يعني بنتكلم مع الشباب نازلين في جولة بنتكلم مع الشباب فانا بتكلم مع اخي اللي نازلين جولة مع بعض فبيقول لي في البلد بتاعتهم - 00:00:40

بيحكي لي يعني شاب كان بيشرب مخدرات وبعد كده التزم والتحى وتسنن واجتهد في الطاعة معهم. بيقول شوية وبدأ يرجع للمخدرات بعد ما كان يعني حکى لي من شأنه انه كان انطلق انطلاق طيب جدا. بس ساب لحيته وساب الصلاة. يعني لسه ملتحي ولسه بيصلی. شوية - 00:01:00

آآ حلق اللحية. شوية ساب الصلاة. اول ما ساب الصلاة ابتلي بالسرطان. ربنا يعافينا اجمعين يا رب. ابتلي بالسرطان. بيقول اسبوعين بالزبط بعد اسبوعين يعني اخوانه بيزوروه قال لهم لو ربنا رجع لي صحتي تاني انا هاعمل وهاسوی وهانطلق. بيقول لي تاني يوم مات. تاني يوم يعني - 00:01:20

اسبوعين بالظبط ثم مات فسبحان الله العظيم! الاعمار قصيرة يا جماعة! وما حدش عارف ممكن يلقى الله سبحانه وتعالى في اي وقت! وما حدش عارف ممكن يلقى الله على ايه ؟ من الاثار اللي قرأنها وشرخت لي قلبي. يعني اثر ان امرأة شديدة الجمال. زوجها تزوج عليها. فذهبت الى الجنيد - 00:01:40

رحمه الله ذهبت الى هي متنقبة. فبتقول له زوجي تزوج علي ومثلي لا يتزوج عليها زوجها. قالت له اللي زببي اللي في جمالی لا يمكن جوزها اتجوز عليها ابدا. ثم كشفت النقاب. فاول ما كشفت النقاب خر الجنيد يعني ايه؟ بيكي بكاء عظيما. فبيقول لك - 00:02:00 بيبيكي من ايه بقى؟ بيقول لك مش بيبيكي ان هو بصل لها او لقى جميلة. بيبيكي انه فكر ازا كان امرأة جميلة بتقول انا استاهل ان ان جوزي لا يتزوج علي ولا يفكر في امرأة غيري. يعني فبيقول ولله المثل الاعلى. امال اللي له رب زب زي الله سبحانه وتعالى. اومال اللي رب العالمين - 00:02:20

مین ربھ؟ ازای یفکر فی غیر الله؟ ازای ینشغل بغیر الله؟ ازای یسعی لغیر الله؟ احنا فی موسم عظیم جدا یا شباب فی موسم عظیم جدا وھو موسم عشر ذي الحجة اللي احتمال كبير بیداً مغرب الحد الجای. لو ھو يوم الاتینیں یبقی بدایتھ مغرب الحد خدوا بالکم. لو هو يوم التلات - 00:02:40

بداية مغرب الاتینیں یعنی لو هو يوم الاتینیں زی النتیجہ اللي جنبنا داهی یبقی بدایتھ مغرب الحد یعنی بیننا وبينھ ساعات. انا عایز اسالکم سؤال یا جماعة تسمعوا تردوا علی. هي عشر ذي الحجة لها فضل لها ثواب؟ ولا هي زبها زبی بقیة الایام؟ لا ثواب! برافو ما شاء الله لا قوۃ الا بالله! ده انتم وحوش - 00:03:00

طب السؤال الثاني حد یعرف ایة فی فضل عشر ذي الحجة؟ ایة ای ایة؟ الله اکبر الله اکبر یا وحوش ما شاء الله ولا العشر ما شاء الله. طب حد عارف حديث؟ فیه حديث فی عشر ذي الحجة حد عارفه یا جماعة ولا الموضوع ده ما فیش حد عارف عنه حاجة؟ ما من ایام الله - 00:03:20

واکبر ما من ایام ایه؟ العمل ایه؟ الصالح فیها. ایه؟ احبوالله. من هذه الایام. الله اکبر. قالوا ولا الجهاد ده انتم عارفین الحديث

كله وعارفين الاية كلها. انا عايز اسألكم يا جماعة بالله عليكم ايه الجديد؟ ايه الجديد؟ يعني انت متوقعين ايه - 00:03:40

انا جاي وحاسس ان انا في حاجة على صدري من التقل. ايه الجديد؟ كل سنة نتقابل قبل عشر ذي الحجة. ونقعد نقول الايات اللي انت اللي غالبا مش هتلافق فيها غير اية مسلا جديدة ولا حاجة. ونقعد نقول الاحاديس اللي انت عارف فيها ونقول الكلام. والمفروض ان احنا - 00:04:00

ثم تدعى عشر ذي الحجة زي اللي قبلها. ممكن يكون واحد منكم كان معنا السنين اللي فاتت واحنا بنتكلم عن تسونامي العشر السنة اللي فاتت في الجمعية الشرعية. او السنة اللي قبلها واحنا بنتكلم عن عقد عمل برضه في عشر ذي الحجة في الجمعية الشرعية. ممكن يكون - 00:04:20

واحد جاي بيتكلم يفكر مع نفسه يا ترى ايه الجديد؟ يا ترى هو النهاردة هيكره حاجة جديدة؟ انا بقى اللي بواجهك ايه الجديد عندك انت؟ قبل ما تفك ايه الجديد عندي انا؟ ايه الجديد عندك؟ بضمات العشر انت عشر ذي الحجة لها بصمة في حياتك - 00:04:40

السنة اللي فاتت ايه بصمة عشر ذي الحجة السنة اللي فاتت فيك. ايه البصمة اللي عشر ذي الحجة عملتها في حياتك. عشر ذي الحجة غيرت فيك ايه عملت معالم في حياتك ايه؟ خدت فيها قرارات ايه؟ اترقيت فيها ترقيات ايه؟ بضمات يعني لو سألتكم يا اخوانى بضمات - 00:05:00

رمضان كل واحد منكم هيحكى لي بضمات لرمضان معه. واحد هيقول لي انا التزمت في رمضان. واحد هيقول لي انا بعد ما انتكست رجعت تاني الى الله في رمضان واحد هيقول ان رمضان ده كان فاصل في حياتي. اتعرفت في الاعتكاف على صحبة غيرت لي حياتي. واحد هيقول انا ما عرفتني القرآن - 00:05:20

في رمضان ومن يومها وانا ما سبتوش وواحدة هتقول انا انتقدت في رمضان. وواحدة هتقول انا ما عرفتني طريق العمل الخيري غير في رمضان بضمات رمضان معلمة علينا كلنا. على قلوبنا وعلى نفوسنا وعلى جوارحنا. انا بأسألك بقى الوقت وبأسألك الوقت بضمات العشر ايه في حياتك - 00:05:40

ايه الحاجات اللي اتغيرت في حياتك في عشر ذي الحجة اللي فاتت؟ وعشر ذي الحجة اللي قبلها. عائزين نأخذ الموضوع بجدية يا جماعة. عائزين نأخذ الموضوع بخطورة. عائزه عايزين نصدق ان عشر ذي الحجة اعظم عند الله من رمضان. عايزين نصدق قول العلماء اللي قالوا ان صدقة في عشر ذي الحجة - 00:06:00

افضل من صدقة في رمضان. عايزين نصدق لما ابن عمر وهو من هو في اتباع النبي عليه الصلاة والسلام. لما يقول ان عمرة في عشر ذي الحجة احب اليه من عمرة في رمضان. لا عايزين نصدق ان رجب الحنفي لما قال ان مضاعفة حسنتان عشر ذي الحجة - 00:06:20

حجۃ اعظم عند الله من مضاعفة حسنتان رمضان. سواء التوافل او الفرائض. عايزين نصدق يا جماعة. عايزين نصدق ان احنا داخلين على موسم رهيب لا عدل له. لما الامام الاوزاعي يقول لك الامام الاوزاعي يا اخواننا ده امام من الائمة زی الائمة الاربعة كده. لما - 00:06:40

يقول لك ان عبادة اليوم باجر غزوۃ في سبيل الله. عشر غزوات! لما انس ابن مالك رضي الله عنه يقول لك قيء حدثنا وقيل لنا ان اليوم بالف يوم وان يوم عرفة بعشرة الاف يوم. لما نسمع الكلام ده. لما نسمع ان - 00:07:00

اجر صيام اليوم باجر سنة عبادة. ويوم عرفة بستين. يعني التسع تيام بعشر سنين عبادة. احنا فين الكلام ده يا اخواننا؟ مصدقين ولا مش مصدقين؟ امال ما بنجتهدش ليه؟ امال ما بنسخن ليه؟ هو احنا ما بنسخن غير لما الناس تسخن؟ هو احنا ما بنسخن - 00:07:20

لما نلاقى التراویح رمضان الناس واقفة في الشارع من عدد. فنبدا نسخن بقى ونصدق ان رمضان حاجة مهمة بجد. هنصدق امته؟ وهنعيش مع هزا الموسم الخطير اعظم عشر ايام في الحياة عند الله. احب عشر تيام في السنة الى الله. ارجى عشر - 00:07:40

عند الله ازكي عشر تيام عند الله. افضل عشر تيام في الدنيا كلها عند الله. زي ما هنقول طول الوقت الاحاديث الدالة على هذه الفضائل العظيمة. انا عايز النهاردة لقاء النهاردة يبقى تلات اسئلة. عايز كل واحد منكم يجاوب لي على الاسئلة الثلاثة - 00:08:00  
تلات اسئلة. السؤال الاولاني ناوي ولا مش ناوي؟ ناوي اللي ناوي يرفع ايده كده يا جماعة؟ اللي ناوي اللي ناوي ده يعني ايه استنى اللي ناوي ده عن اللي ملهوف. امتي هتبدأ لأن ادركت العشر ليرين الله ما اصنع. لا يرین الله ما اصنع - 00:08:20  
الشناوي ده يعني واحد هيموت مشتاق. قلبه بيتلوي على الجمر من الشوق لهذه الايام. ده معنى ناوي. انا ناوي ربنا سبحانه وتعالى سيرى مني في هذه الايام ما لم افعله طيلة حياتي. لاعبدن الله في العشر كما تعبده ملائكة السماء - 00:08:40  
العشر دي هتبقى فرصة زي ابو مسلم الخولاني كده. لما كان يكريج رجليه ويقول ايحسب اصحاب محمد ان يستأثروا به دوننا والله لنزاحمنهم اليه على الحوض. انت في العشر تيام دول يبقى ده شعارك. يبقى ده شعارك. انك انت تعلق ورقة عندك في الاوضة كده تكتب فيها - 00:09:00

ايحسب اصحاب محمد ان يستأثروا به دوننا والله لنزاحمنهم اليه على الحوض حتى يعلموا انهم قد خلفوا اهم رجال شف اصحاب النبي في عشر ذي الحجة كانوا بيعملوا ايه؟ شف الفرق. بين قيمة العشر عندهم وقيمة العشر عندنا. شف الفرق ما بين تعظيم - 00:09:20

قم لعشر ذي الحجة وما بين تعظيمنا لعشر ذي الحجة. السؤال الاولاني ناوي ولا مش ناوي؟ ناوي خلاص سخنان مستني السؤال الثاني. بعد ناوي ولا مش ناوي؟ جاهز ولا مش جاهز؟ جاهزة ولا مش جاهزة؟ دا انت ممكن تكون - 00:09:40  
اوي بس لما نيجي نتكلم الوقتي بقى عن اللي عايز ما هو عايز يدفع مش بيقول له نفسي في العربية قال له لو نفسك فيها اجيها لك قال له نفسي فيها قال له طب احنا - 00:10:00  
اتقال اقسم بالله نفسي فيه. قال له طب هات تمنها. قال له ما عييش. قال له لو كان نفسك فيها كنت جهزت تمنها. معك تمن العشر. جاهز؟ جاهز ان ربنا يفتح عليك في العشر جاهز ان لما العشر تبدأ الوقت فعلا تقدر تبعد ربنا هنتكلم عن اربع انواع من الجهازات وهم انواع - 00:10:10

يا جماعة بس احنا مش عايزين نعقد الناس بس. انما هو انواع التهئه للعشر. انواع كتيرة جدا. هنتكلم عن يعني انا هقول لكم بس واحدة منها كده تجاهز وقتيا لعشر ذي الحجة بالله عليك يا اخي طب بالله عليك بس راجعي نفسك كده انت جاهز وقتيا يعني انت الوقتي لو بدأت العشر عندك وقت تبعد ربنا - 00:10:30

طول اليوم عندك وقت تعبدي ربنا نص اليوم؟ عندك وقت تبعد ربنا تلت اليوم؟ عارفين الصدمة اللي هناخدتها ايه؟ ان احنا ما عندناش وقت ان احنا مش جاهزين وقتيا وان المفروض تأخذ قرارات من قبلها. يبقى السؤال الثاني جاهز ولا مش جاهز؟ السؤال الثالث ميعاد خط سير ولا ما عادش - 00:10:50

ما هو انا ممكن اكون ناوي اه وجاهز ان شاء الله بازن الله مستعد وما عييش خط سير مش عارف اعمل ايه. ما اناش عارف وهو ده الفكرة اللي هنتكلم عنها - 00:11:10

فليكسات العشر او زو الحجة كنترول فليكس. هنتكلم عن الباقي بتاعة العشر. هنتكلم عن خط السير بتاع العشر. لأن النبي عليه الصلة والسلام ده انا خط السير في كلمتين يا جماعة من غير وجع. من غير تعب ولا كلام. ادانا خط السير في كلمتين. ايه هم؟ العمل الصالح. ما من ايام العمل - 00:11:20

صالح فيها احب الى الله من هذه الايام. العمل الصالح. كل حاجة في حياتك تعرف ان اسمها العمل الصالح هو ده الموسم بتاعها. ودي المضاعفة بتاعتها. كما روی عن ابن عباس ان سبعيني ضعف سبعيني ضعف يا جماعة ان جلسة الضحى سبعيني ضعف جلسة ضحى. سبعيني ضعف. يعني قيام الليلة سبعيني قيام ليلة. سبعيني ضعف يعني - 00:11:40

لو جبت في ركعتين جزء قرآن سبعيني ضعف. سبعيني ضعف. يعني الركعتين بالف وربعيني ركعة. سبعيني ضعف. يعني العمرة سبعيني عمرة. طب ابن عباس في هذه الرواية يعني ان ثبتت عن ابن عباس جابها منين؟ ان سواب الجهاد في سبيل الله سبعيني

ضعف. والله يضاعف لمن يشاء. موضوع مش - 00:12:00

آآ يعني ان لم تروي عن ابن عباس فالمعنى سابت بحديس تفضيل النبي عليه الصلاة والسلام للعبادة في العشر على الجهاد. تعالوا بقى نبدأ مع بعض كده ان شاء الله بازن الله ونركز مع بعض ركزوا معي. كل واحد وكل واحدة يركزوا معي. لو واحدة من اخواتها لها ابن او بنت - 00:12:20

يعني سنهم مميز خمسة ابتدائي رابعة ابتدائي تالتة ابتدائي يقعدوا جنبهم عايزين نسمع وعايزين نوصل المعاني لولادنا ولنا جميعا يا جماعة. ناوي ولا مش ناوي؟ ناوي ولا ما انتش ناوي؟ يعني ايه ناوي ولا ما انتش ناوي؟ لما جينا نتذمر في احاديث عشر ذي الحجة لقينا النبي عليه الصلاة والسلام بيقول ايه؟ ما من ايام - 00:12:40

العمل الصالح احب الى الله فيها من هذه الايام. فلقينا كلمة باحب ايام الدنيا الى الله. انت الوقت لو واحد زعلان منك تصالحه بايه باحب شيء اليه. فانت دلوقتي عايز تصالح على ربك احب شيء اليه. احب ايام الى الله لن يعبدوا فيها الا احب العباد الى الله - 00:13:00

يعني دي ايام حب يا جماعة. طب تعالوا ندور في باقي الفاظ الاحاديس. لقينا ان احاديس عشر ذي الحجة فضل فيها النبي عليه الصلاة والسلام عشر ذي الحجة على سائر ايام الدنيا بخمس كلمات. فضل فيها النبي افعل تفضيل. افعل تفضيل. عشر ذي الحجة - 00:13:20

على سائر ايام الدنيا بخمس كلمات. سواء رمضان او غيره. ايه هم؟ اول كلمة احب. طب تاني كلمة حديث النبي صلى الله صلى الله عليه وسلم افضل ايام الدنيا العشر. عارف يعني ايه افضل؟ انت عارف يعني ايه افضل؟ يعني افضل قيام ليل طول السنة - 00:13:40

سنة في العشر ليالي دول. افضل عشر جلسات ضحى او تسع جلسات ضحى. هتقعدهم طول السنة في العشرة دول. افضل تكبيره سيرة احرام هترفعك عند ربنا طول السنة في العشرة دول. عارف يعني ايه افضل؟ يعني افضل سبحان الله هتطلع منك لربنا طول - 00:14:00

افضل ايام الدنيا العشر. العشر. يبقى احب افضلها الحديث الثالث. قال رسول الله صلى الله عليه وسلم ما من عمل ما من عمل ازكي عند الله ولا اعظم اجر ازكي - 00:14:20

قصة واعظم اجر من دي قصة تانية خالص. ازكي عند الله ولا اعظم اجر كلمات تفتح النفس للحياة. كلمات تحسسك ان الدين ده كنوز. بس احنا اللي غافلين يا جماعة والله. ما من عمل ازكي عند الله ولا اعظم اجر - 00:14:40

يرى من خير هنا نكرة لافادة الشمول من خير يعمله في عشر الاضحى. اي الخير بمطلق كلمة الخير في دين الله سبحانه وتعالى. يبقى كده اربع الفاظ واللفظ الخامس ارجى في رواية تانية يبقى كده خمس الفاظ. قولوهم لي يا شباب - 00:15:00  
واحد احب اتنين اعظم افضل اربعة ازكي خمسة ارجى كلام كبير جدا يا اخواننا. يعني ايه احب؟ احب يعني الايام دي فرصة انك تناول حب الله. فرصة ان انت تتمتعي - 00:15:20

بالله فرصة انك تفوز بحب الله. طب يعني ايه ازكي؟ ازكي يعني الايام دي فرصة لتطهير القلب. فرصة لتزكية النفس. اعظم فرصة في السنة كلها في تزكية نفسك. اعظم فرصة كلها لتطهير قلبك. يا اللي في قلبك شبهات. يا اللي في قلبك شكوك. يا اللي في قلبك شهوات. يا اللي في قلبك - 00:15:40

معصية مش عارفة تتخلاصي منها. يا اللي في قلبك حب حاجة محرمة. ازكي ايام الدنيا العشر. يعني اعظم فرصة انك تنضف من جوة. يا اللي مهتم باصلاح القلوب. ثلاثة افضل عارفين يعني ايه افضل؟ يعني اعظم فرصة للفضل عند الله. قال تعالى ولقد اتينا داود - 00:16:00

منا ايه؟ فضلا ربنا فضله ليه؟ ربنا فضله عشان عبادته. يعني عشر ذي الحجة فرصة لان يفضلك الله. يعني عشر ذي الحجة فرصة للترقيات. فرصة يعني انا باحس انها عاملة زي التفتیش اللي بييجي كده وممكن تاخد علاوة او ترقية لا مش علاوة. ترقية عند الله -

اه لو انت عبدت ربنا يبقى عشر ذي الحجة فرصة للتفضيل ان ربنا يفضل ناس على ناس. اربعة اعظم يعني ايه اعظم؟ يعني عشر ذي الحجة فرصة لكسب حسنات عظيمة القدر تطبب كفة الحسنات بتأملك في الميزان. يوم القيمة والباقي ارجى - 00:16:40 يعني ايه ارجاء؟ كلنا عندنا رجاء في الله. يا رجائي كلنا رجاءنا في الله. نفسي يا رب في المغفرة. نفسي في العفو. نفسي في عتق من النار العتق من النار في العشرة اكبر من رمضان يا جماعة. العتق من النار في العشرة اكبر من رمضان. عشان كده ما رؤي الشيطان -

00:17:00

احقر ولا اصغر ولا ادحر ولا اغليظ منه يوم عرفة. ليه؟ لأن يوم عرفة العتق فيه اكتر من الدنيا كلها اكتر من اي حاجة. وده يوم عشر ذي الحجة اكتر من رمضان في العتق من النار. وهذا لا يقل من قدر رمضان. ده ده بيفهمنا ان - 00:17:20 في ذي الحجة ورمضان موسمين عبادة. عاملين زي رجليك الاثنين. ما ينفعش تمشي برجل واحدة. موسمين عبادة. الموسمين دول لازم يبقو نور عينيك عايزين نكافح لحد ما الموسمين دول يبقى شعرنا فيهم وقف لله تعالى. يبقو شحنة السنة. يبقو وقوفك مع النفس طول السنة. انت - 00:17:40

سيد يا ابني انا اللي انا عايز اقوله لك وانا باقول لك انت ناوي ولا مش ناوي ان انت اللي تحتاج. انت تحتاج العشر تيام دول. كثير من الشباب التزم في رمضان وكان هيتتكس له العشر ذي الحجة جت سنته. كثير من الناس بعد رمضان كان هينحرف عن خط السير. فاكر القرارات اللي انت خدتها في - 00:18:00

فاكرة القرارات اللي انت خدتها ليلة سبعة وعشرين؟ فاكر القرارات اللي انت خدتها وانت بتختم القرآن في رمضان؟ القرارات دي راحت فين؟ معظمها داب مننا معظمها تاه مننا يقوم من كرم ربنا. ومن حكمة ربنا بعد رمضان بشهرين يقوم جايب لك موسم تاني. اعظم من رمضان اعظم - 00:18:20

رمضان ليه؟ لأن رمضان تلاتهن يوم ده عشرة بس. لأن رمضان الشياطين مصفدة. ده الشياطين مطلقة. يعني القضية قضية ان المجاهدة انت في العشرة دية اكتر من المجاهدة في رمضان. فانت اللي تحتاج. انت تحتاج عشر ذي الحجة يصحوا لك مسارك اللي انحرف بعد رمضان - 00:18:40

يجدوا لك نشاطك وحماسك اللي فطر بعد رمضان. يقوموا اليمانيات اللي في قلبك اللي نامت بعد رمضان القرارات اللي كنت خدتها في رمضان عشر ذي الحجة ده طوق نجاة ربنا باعاته لنا اللي انا عايز اقوله لكم يا شباب ان ان - 00:19:00 مضاعفة الحسنات في العشر. مش بس كده. في مضاعفة السيئات في العشر. قال تعالى ها؟ فلا تظلموا فيهن ايه؟ انفسكم هم اشهر حرم فلا تظلموا فيهن انفسكم. يعني فيه نهي خاص عن المعصية في العشر غير النهي العام في اي يوم تاني. زي ما الحسنات - 00:19:20

تضاعف السيئات والعياذ بالله. ربنا يحفظنا. ممكن تضاعف. فاحذر من معصية الله في عشر ذي الحجة. احذر من معصية الله في هذه الموسام. احذر في مواطن المضافة ان والعياذ بالله تعصي ربنا فتضاعف عليك السيئات يبقى آآآ يبقى ذي - 00:19:40

قلنا ارجى ايام الدنيا عند الله او ارجى اعمال الدنيا عند الله. معناه ان عشر ذي الحجة دي اعظم الايام في نيل الرجاء والامان. اعظم الايام في نيل رحمة في نيل المغفرة. في نيل التوبة. اعظم الايام في نيل اجابة الدعاء الذي نرجوه على الله سبحانه وتعالى - 00:20:00

يبقى هذه هي اعظم ايام الدنيا عند الله. تاني يا جماعة ما تنسوش احب ايام الدنيا الى الله. اعظم اعمال الدنيا عند الله ارجى اعمال الدنيا عند الله افضل ايام الدنيا عند الله اذكي اعمال الدنيا عند الله خمس - 00:20:20

مناقب لعشر ذي الحجة مش موجودين في التلتمية خمسة وخمسين يوم الباقيين في السنة. باقي الايام لا يساوي العشر في هذه المناقب الخمسة يبقى عايزين ننوي بقى وعايزين ننوي بصدق يعني الحاجة اللي انا لازم افكركم بها قبل ما ننتقل للنقطة الثانية قبل ما ننتقل لنقطة - 00:20:40

جاهز ولا مش جاهز؟ قبل ما ننتقل للنقطة الثانية انا عايز نأكدي جماعة عشر ذي الحجة ورد فيها اربع ايات حد يعرف يقولهم لي جم  
في اربع مواطن في القرآن - 00:21:00

وليل عشر الله اقسم بالليل ما يجييش اخ بقى يقول لي ايه يعني انت اللي اقشر من الليل. مين يا حبيبي جبت الكلام ده منين؟ جبت  
الكلام ده ده قول جمهور العلماء آلا ده قول مين؟ قول شيخ الاسلام ابن تيمية. طب انت عارف ابن تيمية قال ايه كمان؟ قال من -  
00:21:10

استوعب ينبغي ان يستوعب عشر ذي الحجة ليل ونهارا. ومن فعل هذا او من استوعبها ليل ونهارا في العبادة فقد فاق ثواب المجاهد  
في سبيل الله. الذي لم يبذل نفسه وماله. يعني انت متأكد اللي ما متش شهيد يعني؟ يعني ابن تيمية نفسه بيقول لك - 00:21:30

انت لازم توصل الليل بالنهار في العشر. طيب هو الافضل النهار صح؟ طب ربنا لما اقسم اقسم بايه؟ اقسم بالليل. اقسم بالليل يعني  
قسم اصلا جاي بالليل بقى ازاي تستهين بالليل؟ ازاي تستهين بقيام الليل فيها؟ ده ربنا قال وليل عشر. يعني مع مغرب الحد اللي  
جاي ده اول - 00:21:50

ليلة من الليالي اللي ربنا اقسم بها. فازا كنت بتقول النهار اعظم فازا كان ربنا اقسم بالليل. بقى الاعزم بقى ايه؟ بقى يا جماعة  
قضية الليل ولا النهار دي قضية لازم ننساها - 00:22:10

قضية يعني ممكن العلماء في تحقيقاتهم العلمية يتكلموا فيها. انما الثواب فائق. زي اللي يقول لك الصيام في عشر ذي الحجة الدليل  
عليه ايه هندي اللي عليه العمل الصالح. يعني قبل ما نجيب حديث ثبت عن النبي عليه الصلاة والسلام ان هو صام فيها العمل الصالح.  
كلمة من خير يعمله في عشر الاضحى - 00:22:20

عايزين بقى عملين وعايزين بقى فكرنا عملي بازن الله سبحانه وتعالى عشان ما نتوهش الناس ورانا. بقى وليل عشر. اتنين  
يقسم الله في ايامنا ويدركوا اسم الله في ايام معلومات. معلومات بتاعة سورة البقرة اللي هي ايام التشريق. معلومات بتاعة سورة  
الحج اللي هي - 00:22:40

عشر ذي الحجة على قول جمهور المفسرين. وربنا قال ويدركوا مضارع مستمر. ما تبطلش ذكر فيها ليل ولا نهار. مين يا جماعة؟ ينوي  
ان الوقت انهم يقروا عشر تيام ما يبطلش ذكر فيهم دققة واحدة. مين مين يتقد فيه العزم من دلوقتي انه يطبق هزا الكلام. انا مش  
هبطل - 00:23:00

ذكر لله دققة طول العشر تيام دول. ازا لصفحاتكم الملائكة في الطرق. اللي يقدر يعمل الكلام ده كلام النبي عليه الصلاة والسلام.  
عليه الصلاة والسلام طيب الحديث الاية الثالثة. ووعدنا موسى ثلاثين ليلة واه اتممناها بعشر. قال كثير من المفسرين ان دي كانت  
هي - 00:23:20

في عشر ذي الحجة اصلا ده كان مقام ربنا معاد مقات ربنا لموسى ثم ربنا ادى لموسى التوراة وكل موسى فهذه الايام العبادة فيها  
بترفع المقام عند الله الموطن الرابع وشاهد ومشهود. ايه هو بقى العشر فيها؟ ها؟ الشاهد ولا المشهود - 00:23:40

شهد ولا مجهد انت عاملين زي مرة. مرة وانا داخل امتحان فكان حالة طبية كان امتحان رمد. فواحد قال لي الحالة كذا خد بالك ان  
الحالة كذا. فانا قال لي خد بالك ان الحالتين مرض كذا ومرض كذا. فانا دخلت فلقيت الحالتين قدامي. بس انا مش عارف مين بقى  
دي ومين - 00:24:00

هو احنا جينا الاية شهد ومشهود بس مين المشهود؟ المشهود هو يوم عرفة يا اخواني في الله. بقى ايه؟ على  
قول طبعا من اقوال المفسرين بقى ازا اربع مرات ربنا ذكرها في القرآن منها مرتين في الجزء الثالثين. في سورة الفجر وفي سورة  
ايه؟ وفي سورة البروج. منهم مرتين في الجزء الثالثين. والمرة - 00:24:20

الثالثة في سورة الايه؟ سورة الحج. والمرة الرابعة فين؟ في سورة الاعراف. يعني الرابعة مواطن مكية. يعني ربنا  
من مكة وبيأكل في الصحابة عزمه عشر ذي الحجة من مكة من قبل ما تفرض من قبل ما تفرض الفرائض والشريعة في  
المدينة والله - 00:24:40

فصل في الصحابة عظمة عشر ذي الحجة. طيب جميل جدا. تعالوا بقى ننتقل للنقطة الثانية. جاهز ولا مش جاهز؟ جاهز ولا ما انتش  
جاهز؟ جاهز نفسيا جاهز وقتيا جاهز زهنيا جاهز - 00:25:00

منتشر جاي انا ممكن اكلمك عن اخطر نوع من انواع الجهازان هو انت تستاهل ان ربنا يفتح عليك في العشر؟ انت تستاهل ان ربنا  
يمدك بمدد من عنده في العشر - 00:25:20

انت جددت التوبة قبل العشرة ده نوع من انواع الجهازان يا جماعة. انت جاهز لتلقي فتوحات الله. يعني من الاخر تستاهل ان ربنا  
يفتح عليك. طيب عشان استاهل اعمل ايه ؟ توب لربنا. خلي اليومين اللي جايين دول استغفار. استقبلهم بالاستغفار. عشان لو فيه  
زنوب - 00:25:30

توب تمنع فتح ربنا عن قلبك او عن جوارحك الزنوب تروح. روح الليلة اتواضا وصل ركعتين توبة. عشان ربنا يمحى عنك زنوب فما  
يبيقاش فيه موازع من تلقي فتح الله. الحاجة الثانية انت جاهز نفسيا خد قرار يا ابني. يا جماعة اسوأ انسان في الدنيا بيضيع عمره -  
00:25:50

والانسان المزبب. الانسان اللي ما يقدرش ياخذ قرار. الانسان يعني تخيلوا كده مشكلتنا في الدين ان احنا في الدنيا بنأخذ قرارات  
وبنفصل قرارات جريئة جدا. انما في الدين ما بنقدرش ناخذ قرار. يعني انا لو وقفت واحد منكم قلت له يا حبيب قلبي انت هتتجوز  
مبين؟ قال لي اتجوز؟ ده الجواز ده جميل قوي - 00:26:10

والجواز ده نعمة عظيمة من الله. بس انا سايبها لله والله. ان شاء الله ربنا اللي هييجوزني. ان شاء الله. طيب هتشتغل ايه؟ اه. ده  
الشغل ده عبادة والايدي البطالة حاجة وحشة جدا. ان شاء الله لازم اشتغل. بس آآ ان شاء الله ربنا يختارني. ان شاء الله ربنا هييجيب  
لي شغلانة. طب هتسكن فين؟ اه ده ربنا - 00:26:30

هل جعل لكم من بيتكم سكن؟ والبيت ده حاجة عظيمة. بس والله ان شاء الله ربنا يختار لي بيت. ان شاء الله ربنا يرزقني الشخص  
ده هينجح في حاجة في حياته يا جماعة - 00:26:50

الشخص ده يبقى انسان ضايع. انسان تايه. انسان ضال في حياته. ليه؟ لان ده لا دين ولا دنيا. تصدقوا يا اخوانا ان احنا عاملين كده  
في الدين هو يا اخي في الله. انت ايه السهر اللي انت هتحترف عليه؟ اه السهر في الدعوة ده لازم اكون لي صغر. انا ما ينفعش اموت  
واقابل ربنا وانا ايدي - 00:27:00

بطالة في دين الله. انما ان شاء الله جواب وانا اخترتك هيحصل لي ان شاء الله في يوم من الايام. طيب يا اخي في الله  
انت مين الصحبة الصالحة اللي انت يعني - 00:27:20

وصلت انك هتعيش معها وتموت معها ودول صحبتك ودول اه ده لازم صحبة. ان شاء الله ربنا بيعتنى. طب انت ايه بيئة الایمان اللي  
انت مرتبط بها. اه ده بيئة الایمان ده. ان شاء الله. يا ابني اديني اجابة حاسمة. يا ابني اديني اجابة فاصلة. يا ابني اديني اجابة في  
00:27:30

ده قرار يا اخوانا خدوا قرار في دينكم. زي ما بتاخدوا قرارات في دينكم. زي ما قررت كلية تدخلها. جماعة مجموعة مجموعة ما  
جابهاش في في الجامعة العامة قلبت الدنيا وفريت كل جامعات مصر الخاصة لحد ما جبت مكان تروح فيه. انا هدخل الكلية -  
00:27:50

وهدخل القسم ده وهتجوز فلانة. حتى لو شقيت عشرين سنة اجيب مهرها فيه. وهسكن في الحنة الفلانية. وهجيب عربية ده مركب  
كزا ، ولو قعدت اشتغل نص عمري عشان اشتريها. زي ما بتاخذ قرارات في دينك خد قرارات في دينك. حرام يا جماعة! الزبزبة  
تضييع للعمق - 00:28:10

الانسان المتردد ده بيضيع عمره. يبقى انت انت جاهز نفسيا. انت واحد قرار. عارف زي اهل الكهف كده؟ لما بيقولوا ايه؟ لما بيقولوا  
فاوا الى ينشر لكم ربكم من رحمته. قرار خطير جدا. وكان الظالمين عايزين يموتونهم. ولو راحوا الكهف ممكن يموتونهم بسهولة من  
غير ما حد يعرف اصلا - 00:28:30

ومع ذلك لما تبين ان ده مصلحة دينهم خدوا القرار بكل سهولة. خدوا القرار بكل سرعة. خد قرار النبي عليه الصلاة والسلام بعد جلسة الضحى في اعلى مشورة مع الصحابة عليه الصلاة والسلام خد قرار حفر الخندق. وفي قعدة تانية خد قرار الخروج لاحد. ما تطولش طريقك. ما تباقاش انسان - 00:28:50

زبزب خليك انسان تقدر تاخذ قرار. تقدر جاهز نفسيا؟ جهز حياتيا. يعني ايه جاهز حياتيا؟ ما انت ممكن تكون مفرز نفسك في غرزة في عشر ذي الحجة غرزة دنيوية ولا صفقة هتعملها يابني صفقات الاخرة اعظم من صفقات الدنيا. حبيبي انا مش متطرف. انا ما بقولكش الكلام في شدة - 00:29:10

انا باقول لك يا عم يا رب تبقى اغنى واحد في الدنيا بالحال. انما في الموسام اعرف ان صفقات الاخرة اعظم من صفقات الدنيا. في الموسام ادي وقت في ناس مش عايزه تدي وقت يا جماعة فانت جاهز حياتيا. جاهز حياتيا من الايات اللي بتشد قلبي اوبي اوبي في القرآن ايات دبح سيدنا سليمان - 00:29:30

هو ربنا محتاجين نسمعها دلوقتي بقى. احنا محتاجين نتجهز من ايات دي العشر ذي الحجة. ربنا بيقول ووهبنا لداوود وسليمان ربنا اسر دنيوي للطاعة. يعني لو انت مجتهد في الدين ممكن ربنا يرزقك ذرية. تشيل الدين من بعدك. نعم العبد انه اواب. ماشي. كلام كبير. طب عمل ايه؟ اذ - 00:29:50

عرض عليه بالعشى الصافنات الجياد. اذ لما تشووف از دي في قصة من قصص الانبياء اعرف ان ده اعظم لحظات عبد الانبياء فيها الله دي اعظم قرارات الصالحين خدوها في حياتهم. فربنا خلد اللحزة دي بالزات. ما سيدنا سليمان عمل مليون عبادة. ما في مليون - 00:30:10

واحد عبد ربنا غير سيدنا سليمان. اشمعنى المواقف دي؟ دي اعظم لحظات ربنا رضي عن الصالحين بسببيها. ليه؟ لأنها لحظات القرارات دايما تلاقي لحزة از دي بعدها اخذ قرار. شوفوا القرار اللي خد سليمان. اذ عرض عليه بالعشى الصافنات الجياد. قال لك يعني ايه عرض عليك - 00:30:30

قال لك يعني عرض ملكي كلمة عرض دي يعني عرض مال ده ملك. سيدنا سليمان كان ملك. عرض يعني عرض ملكي. فتخيل العرض الملكي ده بقى متكلف قد ايه؟ والعرض الملكي ده - 00:30:50

الالمان اللي فيه قد ايه؟ بالعشى ابن عثيمين بيقول في الباء ديت ان الباء دي معناها العشية قال لك من الضهر للمغرب. قال لك استمر عرض الخيول من الضهر - 00:31:00

كل المغرب يعني قال لك كمية الخيول ابن كثير بيقول عشرين الف فرس. يعني كمية الخيول الاف الخيول. طول من الضهر للمغرب والعرض الملكي شغال. وبعد كده تيجي كلمة مبهرة بقى الصافنات الجياد. قال لك يعني ايه الصافنات؟ قال لك الصافنات اللي روعة في وقوتها - 00:31:10

انما الجياد اللي روعة في انطلاقها. الصافنات اللي بتترفع رجل وتقف على تلات ارجل. طب دي حاجة صعبة اوبي. اه بس تخيل بقى ان العشرين الف فرس يقدروا يعلموا كده في وقت واحد. يعني معناها انهم خدوا تدريب مهول. على ما قدروا انهم يقفوا لعشرين الف مع بعض - 00:31:30

ويأدوا العرض بتاع الصافنات. طب الزياد اللي ساعة ما بتنطلق بقى جمال رقبتها وجمال آآ الفرس وجمال آآ الساق بتاعة الفرس في الانطلاق. الافراس بيبقى شكلها جميل اوبي وهي بتتجري كده. آآ وجمالها معناها ان هي بتختطف العين - 00:31:50

فالالية الاولانية بتقول لك عددها قد ايه؟ تمنها قد ايه؟ بوز المجهود في تدريبها قد ايه؟ قد ايه؟ اذ عرض عليه بالعشير الجياد فقال اني احبيت حب الخير عن ذكر ربي. يعني سيدنا سليمان لما الشمس غابت سيدنا - 00:32:10

سليمان يعني كأنه اصطفاك. اني كان لو انت مكانه انت عارف لو ان وانت مكانه كنت هقول ايه؟ ما كناش قلنا اني احبيت حب الخير. عن ذكر ربه. اومال اني لم اذكر ربي اني ضاع علي وردي. اني ضاع علي وقت عبادتي. انما سيدنا سليمان ما بصش للعرب - 00:32:30

بص للجزر. ما بتص للحاجة العربية. بص لجوة معنى ان الورد ضاع علي بسبب الخيل. ان فيه في قلبي زرة حب الله اني احباب بص للجزر بتاع المشكلة. قوة مواجهتك لنفسك. تقدر تواجه نفسك؟ تقدري تواجهي نفسك؟ تقدر تمسك ورقة وتكتب - 00:32:50 وفيها عيوبك الحقيقة ولا انت بتهرب من عيوبك الحقيقة؟ ومش عايز تواجه نفسك قوة مواجهة النفس اني احبت انا المشكلة عندي جواي هو قلبي ولازم المشكلة دي تتحل. اني احبت حب الخير عن ذكر ربى حتى توارت بالحجاب. توارت بالحجاب دي كلمة تخطف - 00:33:10

توارت بالحجاب ده تشبيه للخيول بالنساء الجميلة او المرأة الجميلة جدا اللي عارفة ان في حد بيبيص لها وهو متيم بها. فلما عرفت كده قامت رايحة وراء حجاب وتوارت. وهو ينظر للحجاب وهو - 00:33:30

قلبه مستشرف وراءه الحجاب. انت عارف انا باشرح لك الشرح ده ليه؟ انت عارف انا بقول لك الكلمة دي ليه؟ عشان اقول لك ان الانبياء ما كانواش زي ما احنا فاكرين يا جماعة - 00:33:50

الانبياء ما كانواش ناس ما لهاش في الدنيا. ما عندهاش مشاعر. عشان كده عبدالرحمن بن عوف لما لقى النبي دموعه بتفيض وحفيده بيموت على ايديه قال له ما هزا يا رسول الله؟ هو يا رسول الله هو انت بتزعل على الدنيا زينا؟ فالنبي عليه الصلاة والسلام يعني علمه ان دي رحمة في القلب. فيه ناس فاكرة يا جماعة ان - 00:34:00

تدبر ان ما بيقاش في قلبك مشاعر تجاه الدنيا. النبي قال حب لي من دنياكم. الطب والنساء. يعني انا احب ان انا احط طيب. احب ان انا امشي متعطر. يعني - 00:34:20

في حاجة في الدنيا بتبسط النبي. يعني ايه حب بلاية من دنياكم؟ يعني انا مسلا انت مسلا اخ مجتهد اوبي. مسلا في التربية القلبية والدروس، ما فيش حاجة في الدنيا - 00:34:30

انت بتبسطك؟ يقول لك لا والله. يعني لو خدتك في ساحتك لا ولا تفرق معي. طب لو وديتك مصيف يا عم الكلام ده مش في دماغي انا ما بفكرش غير في الدعوة والعبادة. طيب لو جبت لك آآ - 00:34:40

مجموعة من اصحابك الزراف يا عم ولا عايز البشر اصلا. انت يا ابني كده انسان مش طبيعي اصلا. الطبيعي ان يبقى فيه حاجة بالنسبة لك حلوة. الطبيعي ان يبقى فيه حاجة بالنسبة لك - 00:34:50

ارفع عنك لما بتحصل. ده الطبيعي. فسيدنا سليمان بيتكلم على الخيل ازاي؟ يبقى مش القضية ان انت يحبب اليك شيء حلال من الدنيا. الاب ان الشيء ده ما يعطلکش في دينك. ما يشغلکش عن دينك. ما يتعارضش مع جديتك في عبادة الله سبحانه وتعالى. سيدنا سليمان لما وصل - 00:35:00

للدرجة ديت وصل للحزة القرار اني احبت حب الخير عن ذكر ربى حتى توارت بالحجاب ردوها اي قرار حاسم العشرين الف فرس ترجع تاني. وبابدي مش باید غيري فطفق مسحه. طفق - 00:35:20

يا اما دبها طب وربنا ليه ما قلش طفق زبحا؟ لان زبحا ممكن المها انما مزحاأن سليمان رأى طريقه لا تصيبها بالي الم وهو يزبحها. طب دبها ليه؟ منهج الانبياء ان ما فيش حاجة تعطلهم عن ربنا. النبي لما لبس آآ لما شاف آآ ستارة كده - 00:35:40

يعني عملت شوية خيالات في الصلاة شالها فورا. خلاص وثوب لابسه شاله فورا. الانبياء ده زي سيدنا موسى لما حرق العجل ما فيش ما فيش حاجة تشغل عن انها تفضل موجودة في الدنيا. طب والقول الثاني ان مسحأ يعني وسمأ يعني علمها بعلامة انها نزرت - 00:36:00

الجهاد في سبيل الله. يعني يا رب ما عدتش عايزها. دي بقت بتاعتك انت مش بتاعتي انا. طب واشمعنى مسح بالسوق والاعناق؟ اشمعنى السوق والاعناق؟ السوق رجليها والاعناق بقى رقبة الفرس وهو بيجرى بقى وشعره بيطير مع الهوا كده لأن اكتر ملحمين للجمال هم اللي حط وسم - 00:36:20

الجهاد فيهم عشان كل ما بيبيص لاجمل حاجة فيه يفتكر انه يقول لربنا مش لك. حد منتنا يا جماعة يقدر كده يبقى مسلا بيبني برج على المشاية واحد منكم كده ربنا يفتحها عليه كده ها يا شيخ محمد افتحها عليه يبقى معه تلاتين اربعين مليون جنيه. التلاتين

اربعين مليون جنيه دول يجيبوا كم متر على المشاية - 00:36:40

وعشرة متر دلوقتي ولا هيجيبوا ايه ؟ يعني المهم يعني بقى معه سروة طائلة كده ويقوم رايج واحد بقى ايه في وش مسجد الصديق مسلا عند الشيخ احمد جلال كده بقى ايه - 00:37:00

تبني برج كبير وهو ببني البرج ادان العصر يدن. فيقول ايه خلاص انا رايج اصلي وفاة يتشغل مع العمال. انت ما ما محترش انا كوييس وانت ما بلطش كوييس. وانت يقوم نازل رايج المسجد يلاقي تكبيره الاحرام راحت. يقوم راجع على البرج جايب ميت عامل - 00:37:10

مدشيشينه طق مسحا. حد يقدر فينا يعمل كده ؟ انباء يا جماعة. اتخاذ قرار. خد قرار يا ابني. فطفق مسح بالسوق والاعناق. دبح كل شيء بيعطله عن ربنا من حياته. مسحة. يعني حتى من الالفاظ اللي الواحد بيقف امامها طافي قبسا - 00:37:30

من حياته كل ما يعطله عن ده مش معناه طبعا واحد منكم بقى يروح بقى لمراته يقول لها طفي مسحا. خلاص جودباي انت بتعطليني او يروح لولاده او يروح الشغل بتاعه بكرة. يقف قدام مدير الشغل كده يتافق مسحا. بص انا في لحظة - 00:37:50

افتتح لك الشغلانة دي من حياتي. لا تفق مسحا مش في ضروريات الحياة. لأن كل ضرورة من ضروريات الحياة. انت بتسمحها من حياتك هي ايه بعدها طفق مسحا في كل ما يعطلك عن الله. ضروريات الحياة ما بتعطلكش. ضروريات الحياة دي اصلا انت محتاجها في الدين قبل ما تكون محتاجها في الدنيا. طيب يا اخوان - 00:38:10

اخواني في الله بقى جاهز جاهز حياتي. يعني طفقت مسحا بالحاجات اللي معطلاك عن عشر ذي الحجة. مسحت ايميل حياتك عشان عشر ذي الحجة حد يقدر يقول لي كده خد قرار انه مسح حاجة من حياته عشان يفضل عشر ذي الحجة. ما هي دي النقطة الثالثة. جهز وقتيا يا ابني. عندك وقت ؟ يعني هقول لكم حاجة يا جماعة - 00:38:30

يعني انت آآ ساعات كده يعني في اخوة مستفزة يا جماعة معلش ما تزعلاوش متى انا اسف يعني. آآ فانت تتعقد مع الاخ كده تقول له ايهرأيك بقى في جلسة الضحى حجة وعمره يقول لك الله الله يا سيدى. جميل جدا بس للاسف الشغل الساعة سبعة الصبح. نعم. ما اقدرش. طيب - 00:38:50

ايهرأيك بقى كل يوم في عشر ذي الحجة تتعقد من العصر للمغرب في المسجد تذكرة ربنا يقول لك يا سلام يا سلام ده هي ديك بس ابقي لسه راجع من الشغل ما اقدرش. طب بص بقى ايهرأيك بعد العشاء تقفل محمولك وتتقفل عليك باب او ضتك وتنطلق لك ساعة ساعتين في قيام الليل انت جبتها - 00:39:10

بس هي دي الساعة اللي بقعد فيها مع مراتي. ده انا اخلع لو يومين ثلاثة ضيغت الساعة دي. طب اجيب لك منين ؟ طب ايهرأيك بقى التهجير قبل الضهر بساعة تروح المسجد يا عم بقول لك العصر مش فاضي تقول له الضهر. يعني طب ايهرأيك بقى من المغرب للعشاء تتعقد كل يوم في الجامعة تذكرة ربنا - 00:39:30

في الوقت ده وخد بالك ان العشر اصلا يعني المغرب للعشاء ده الطالب بيلحق يزاكر ولا تاجر بيلحق يعمل صفقة ولا حد بيلحق يعمل حاجة. ايهرأيك ؟ ده هو ده - 00:39:50

الفيسبوك بتاعي يا عم ادخل على الفيس وتويتر وسكايب والسوشیال ميديا والانستجرام ادخل على الكلام ده امتنى النهاردة ؟ ما اقدرش ما اقدرش طب ايهرأيك بقى تخفي من قدامى ايهرأيك بقى تمشي من قدام عشان ما نعملش جريمة هنا طب انت عايز ايه ؟ عارفين النموذج ده بيفكرني بقى يا جماعة عارفين اللي راح آآ - 00:40:00

وظيفة فيقولوا له انت بتعرف تتكلم انجليزي قال لهم لأ قالوا له طب تعرف تتكلم فرنساوي لأ طب تعرف تتكلم امال انت جاي ليه هو انت طب انت عايز ايه ؟ يعني مازا ترضو ؟ اذا كنت انت مش هاين عليك تشيل من وقت انشغالاتك ساعة تديها لربنا. اومال عايز توصل - 00:40:20

ربنا ازاي ؟ يا اخوانا ما هو ده اللي جه للنبي عليه الصلاة والسلام وبعد كده حس ان المجلس هيطول ولا ان الدنيا حر ولا ان الدنيا زحمة ؟ قام ماشي. النبي قال لهم عليه - 00:40:40

اعرض فاعرض الله عنه. ما تزعلش بقى من اعرض الله عنى. انت اللي اعرضت يعني ايه اعرض يا شباب؟ انا عايزكم بس تفهموا معى يعني ايه اعرض اخواتنا واخوانا هنعرض اه رد ليس معناها كفر. وليس معناها فسق. وليس معناها فجر. اعرض معناها ما عنديش وقت - 00:40:50

مش فاضي مش فاضي احضر دروس. مش فاضي اقعد جلسة ضحى. مش فاض اقوم ليل. مش فاضي اقعد في المسجد نص يوم اعتكاف مؤقت يوميا في عشر ذي الحجة. مش فاضي. مش فاضي لربنا. مش فاضل اخرتك. يبقى ما انتاش عارف اصلا يعني ايه اخرة. يبقى ما انتاش عارف اصلا قيمة - 00:41:10

الموضوع ده ايه؟ عشان كده يا جماعة اللي يقول لك انا مش فاضي يخاف من ربنا. يخاف اوي من حديث النبي عليه الصلاة والسلام. خدوا بالكم اللي اعرض ده ما كانش كافر. اللي اعرض ده كان - 00:41:30

مسلم واحد مسلم عايش وجاي يحضر مجلس النبي في المسجد النبوى عليه الصلاة والسلام. يعني مش واحد آآ ولكن يعني ما ما طلبتتش منه يعني مش قادر ياض لاي سبب من الاسباب. ها وقام ماشي ومستغنى اعرض فاعرض الله عنه. ما ينفعش ان انت تقول يا رب انا ما عنديش وقت لك. يبقى عشر ذي الحجة - 00:41:40

جاهز انا عايز اسألكم الوقتي جاهز وقتين مين فيكم اللي جهز وقتيا يا جماعة انه يعبد ربنا؟ في عشر ذي الحجة مين فيكم اللي جهز وقتيا؟ اه بصوا حوالي كده مين في يجاهد - 00:42:00

مين فيكم اللي هي عمل حدود للدنيا في حياته في عشر ذي الحجة عشان يعبد ربنا. اللي هي قفل محموله في عشر ذي الحجة مش هي فتحه غير ساعة واحدة في اليوم اللي هي عمل حدود للتعامل مع الدنيا. الحدود للتعامل مع الشغل بتاعه. من فينا هي بقى جاهم - 00:42:10

نفسيا ان هو ياخذ قرار ان لو الدنيا كلها جت قدامى مش هتعطلني عن عشر ذي الحجة. جهز حياتيا بيطفك مسحا من الان وبيمسح من حياته اي حاجة تشغله عن عبادة ربنا في عشر ذي الحجة. اللي هينفذ الكلام ده هي بقى باشا. اللي هينفذ الكلام ده هيكتشف حقائق الامور في العشر ايام دول - 00:42:30

اللي هينفذ الكلام ده ربنا هي نورها له. جهز وقتيا والنهاية. جاهز زهنيا. جاهز زهنيا ده يا جماعة اللي هو التركيز. ما تشتبش نفسك بقى. ما تحطش مهمتين قدامك في وقت واحد. جاهز ذهنيا ده التركيز. زي سيدنا ابراهيم. في اربعة وعشرين ساعة في اربعة وعشرين ساعة. كان في اولهم بيبيص للكوكب ويقول هذا - 00:42:50

ربى بعد اربعة وعشرين ساعة كان بيقول وجهت وجهي للذى فطر السماوات. يعني انت قبل اذان العشاء بكرة تبقى بقى بقى من اوليات الله. ليه؟ ركز ركز يوم. سيدنا ابراهيم في سورة الانعام ركز في قضية وصوله لربنا يوم ركز عشر تيام يا اخي. ركز عشر - 00:43:10

ايام الا هدف الا وصوله الى الله. الا هدف الا ان انا اصلاح ديني. وان انا اعبد ربنا وان انا اذكره ليل نهار. السؤال الثالث بعد ما سأنا السؤال الاولاني ناوي ولا مش ناوي؟ ناوي صادق ليسأل الصادقين. صادق ملهوف مش - 00:43:30

مقدر القيمة ولا ما انتاش ناوي؟ السؤال الثاني جاهز ولا ما انتاش جاهز؟ جاهز بالتنبؤ النصوح التي تزيل موانع الفتح من الله عليك. جاهز وقتيا ان انت عارف من الوقت ايه الاوقات اللي انت هتديها لربنا في عشر ذي - 00:43:50

الحجـة يعني لو سـأـلتـ اي واحد منـكـمـ جـاهـزـ وقتـياـ ولاـ لـاـ؟ـ يقولـ ليـ اـنـ شـاءـ اللهـ آـاـ منـ العـصـرـ فـاضـيـ منـ العـبـادـةـ.ـ واحدـ تـانـيـ يقولـ اـنـاـ آـاـ اـنـاـ - 00:44:10

اـخـدـ اـجـازـةـ لـانـ اـنـاـ الحـاجـاتـ الـلـيـ عـنـديـ مشـ مـهـمـةـ.ـ واحدـ تـانـيـ تـقـولـ ليـ اـنـ طـالـبـ اـصـلـاـ كـدـهـ فـاضـيـ.ـ المـوـضـوـعـ مشـ يـعـنـيـ اـيـهـ خـالـصـ يعنيـ انـكـ اـنـتـ تـبـقـىـ اـيـهـ مـتـهـيـاـ مـتـهـيـ - 00:44:20

وقـتـياـ وـنـفـسـيـاـ وـعـقـلـياـ وـحـيـاتـياـ.ـ الحـاجـةـ التـالـتـةـ عـنـدـكـ خطـ سـيرـ وـلـاـ ماـ عـنـدـكـشـ خطـ سـيرـ وـلـاـ لـاـ؟ـ يعنيـ اـنـتـ عـارـفـ الـوـقـتـيـ لـوـ زـيـ الـحـجـةـ قـلـنـاـ لـكـ حـالـاـ اـهـوـ هـتـبـدـأـ تـعـمـلـ اـيـهـ؟ـ عـنـدـكـ تـصـورـ مـخـطـطـ؟ـ يـعـنـيـ اـنـتـ اـسـتـرـاتـيـجـيـ فـيـ تـفـكـيرـكـ اوـ تـكـيـكـيـ فـيـ تـفـكـيرـكـ مـخـطـطـ عـارـفـ اـنـتـ الـوـقـتـ - 00:44:30

لو بدأتن عشر ذي الحجة هتعمل ايه؟ هند بنت عقبة لما شافت الصحابة يوم فتح مكة. بيسروا قيام الليل في الحرم المكي. اظن ده  
كان يوم اربعة وعشرين رمضان. ليلة - 00:44:50

خمسة وعشرين رمضان او ليلة ثلاثة وعشرين رمضان. مش فاكر بالزبط يعني. يعني في هزا الوضع قالت ما رأيت الله عبد حق عبادته  
مسل ذلك يوم اللي يشوفنا واحنا بنعبد ربنا في العشر. هيقول ما رأيت الله عبد حق عبادته مسل هزه الايام. يعني الاسر - 00:45:00  
قلته لكم في الاول المرأة الجميلة اللي مش متخيلاة. ازاي انا بالجمال ده وجوزي اتجوز علي! يعني الجينيد يعني بكي قلبه قبل ان  
تبكي عينه يعني ربنا العزيم ينفع انك تنشغل بغيره. ينفع ان يبقى في حياتك حد غيره؟ الواحد ساعات يبص في السما كده يا  
جماعة؟ اما نروح جلسة تدبر - 00:45:20

اقول يا رب اللي خلق السما دي ينفع يبقى غيره الاول في حياتي؟ اللي خلق السما دي ينفع يأمرني بامر وما انفزوش؟ اللي خلق  
السما دي ينفع ابقى معه وخايف من مخلوق اللي خلق السما دي ينفع اعصيه - 00:45:40  
اللي خلق السما دي فيه حاجة نفسى فيها ما يقدرش يجيها لي؟ اللي خلق السما دي المفروض يبقى ايه اللي في قلبي تجاه جاهز ولا  
ما انتاش عندك خط سير ولا ما عندكش خط سير ذو العشر كنترول فليكس عايزين نتكلم بقى عن فلكسات العشرة يا جماعة يعني  
ايه فلكسات العشر؟ حد يعني - 00:46:00

حد عارف يعني ايه فلكسات فودافون؟ يعني ايه فلكسات الموبايل؟ يعني يقول لك بص يا عم احنا جايدين لك فليكسات بقى باقة ما  
حصلتش. قدامك بفكرة الفلكسات ان انت - 00:46:20  
آآ تتكلم على النت زي ما انت عايز. قدامك انك تكلم اي شبكة زي ما انت عايز. قدامك انك تكلم آآ الشبكة داء مفتوحة ايه في  
الاكسات. طب فليكسات عشر زي الحجة - 00:46:30

طاقة عشر ذي الحجة في لبس الصيام. ارباحه ايه؟ في لبس القيام ارباحه ايه؟ في لبس الانفلكسات ده العروض ده الباقيات ده ايه؟  
ارباحها ايه؟ الكنوز ده هي ارباحها ايه؟ يعني تعالوا يعني نتكلم عن اهم اعمال عشر ذي الحجة. اول عمل هنبدأ به - 00:46:40  
تخيلوا ايه؟ زنب طب اول عمل هنبدأ به قولوا اسمه كده ونبدأ بعد العشاء. اول عمل نبدأ بتخيلوا ايه؟ هو ذكر اهم عمل بس احنا  
نبدأ بقيام الليل. عارفين ليه؟ عشان اللي بيقول لك الليل مش مهم. نبدأ بقيام الليل بازن الله سبحانه وتعالى. آآ طيب اخواننا بقى  
المقطوع بتاع المونتج بعد - 00:47:00

الادان على طول يا رضوان. اتفضل يا شباب. جزاك الله خيرا. امسح من حياتك اي حاجة تعطلك عن ربنا. امسحها من حياتك اي  
حاجة تقف بينك وبين ربنا امسحها بس من قلبك ومن حياتك. لما تخيل شاب دلوقتي تحت التراب او بنت تحت التراب وكان ايامه  
الدنيا. وكانت ايامها - 00:47:20

الحياة وكان امامها الحياة وبيعدى عليهم عشر ذي الحجة. انت متخييل احساس انسان وهو ببنادي فيك وهي بتصرخ فيك وتقول لك  
ده انا مش هم مش بيتمنوا انهم يرجعوا يوم لان الرجوع يوم ده بالنسبة لهم مستحيل. ده هم عايزين يفوقوا الناس اللي فوق التراب  
- 00:47:40

انهم يرسلوا لنا رسالة انتمش حاسين. يعني ايه احساس انسان صحيفته اتفقلت. يا جماعة صحيفته اتفقلت دي. ربنا سماها في  
القرآن مصيبة. انت مش متخييل احساس انسان صحيفته اتفقلت. مش متخيلاة احساس انسانة عداد حسناتها وقف. مش متخييل  
انسان ما عادش - 00:48:00

عنه ليل يقومه. ما عادش عنده نهار يصومه. مش متخييل احساس انسان ما عدش عنده ايد يمسك بها مصحف. ولا عين يقرأ بها  
مصحف ولا لسان يذكر به الله. ولا له ولا رجل يروح بها بيت الله. ما انتوش متخيلين احساس انسان. ما عدش ينفع يقول -  
00:48:20

استغفر الله. ما عدش ينفع يقول يا رب دي كلها كانت اعمال وانتهى زمن العبد. ارباح انك تبقى انسان عادي. جربت يا ابني انك تمسك  
مصحف وتقف بين ايديين ربنا كده ساعة سبعة الصبح تمانية الصبح. عشرة الصبح واحدة الظهر اتنين الظهر عشرة بالليل واحدة

بالليل اي وقت من اوقات النفل المطلق وتقف تصلي بين ايدين ربنا. لو الدنيا اتزلزلت ما انتش اقيم من مكانك. انا يا رب مش هتصرفني عن عبادتك اي شيء. جربت يا ابني احوال العابدين. جربت يا ابني احوال الصادقين. جربت يا ابني احوال اللي عاشوا الدنيا دي صح - 00:49:00

انت عايش تاييه زي بقية الناس. ملتزم ولكن من ايه؟ يعني من بعيد بعيد كده. يعني ساعة العرض على الله ربنا اسأل العبد اسئلة معينة من الاسئلة ما شغلكم عن عبادتي. ايه اللي منعك؟ ايه اللي عطلك؟ لو كنت مريض مأيوب اهو ما عطلوش مرضه. ولو كنت - 00:49:20

سليمان اهو ما عطلوش ملكه. ولو كنت شاب جميل ووسيم ما ما يوسف اهو ما عطلوش شبابه. ولو كنت فقير مع عيسى اهو ما عطلوش ايه اللي منعك؟ اللهم بلغنا عشر ذي الحجة واجعلنا فيها من الفائزين. اللهم بلغنا هذه الايام المباركة الطيبة واجعلنا فيها من الفائزين يا رب العالمين - 00:49:40

اللهم اجعلها فتحا على امة حبيبك. اللهم اجعلها فتحا على عبادك اجمعين يا رب العالمين. اللهم اجعلها خير ايام مرت علينا في حياتنا. اللهم اعنا فيها على ذكرك وشكرك وحسن عبادتك. اللهم - 00:50:00

سنساخ عن كل جرح دماء ونمسي بما ربنا السلام عليكم ورحمة الله وبركاته. انتم عارفين يا جماعة انا حاسس دلوقتي انا حاسس ان انا باحسب والله يا جماعة. يعني انتم باصين لي انما انا باصص للدرس دلوقتي قدام عيني. وشاييف صحبة يعني يعني من نعم ربنا على في الدرس - 00:50:20

ان النص اللي قاعدين قدامي تقربيا انا عارفهم. عارفهم اصحابي. فانا شاييف قدام عيني صحبة انا دلوقتي بقول يعني لو اللي قدامي دول يعرفوا الوقتي قبل ما يستعملوا في الدعوة الى الله. نعمة ربنا عليهم الوقتي انهم يقدروا يعبدوا ربنا - 00:51:00

ان انت تقدر الوقت تروح مكان خلوي تقدر عشر ساعات تسبح ما وراكش حاجة. ما فيش حد في رقبتك. ما فيش في رقبتك ما فيش شباب مستنينك. يا جماعة الحقوا قبل ما الدنيا تخطفك او قبل ما تستعملوا في الدين - 00:51:20

يا الدنيا هتخطفك. يا هتستعمل في الدين. وهتلaci نفسك بقى في قلبك مسئولية. هتبقى ايه عامل زي الاب اللي عنده سبع تمن عيال. نفسه يتفسح نفسه يقعد مع اصحابه شوية قعدة حلوة ولكن ما ينفعش. دي عايزه تتجوز ودي عايزه عفش. وده عايز عملية وده عايز دروس سانوية عامة ما ينفعش - 00:51:40

هو ده الاحساس اللي الواحد حاسه دلوقتي. ان كل واحد قاعد في الدرس وكل واحدة قاعدة في الدرس في رقبته قدام ربنا. في رقبتي قدام ربنا. يعني انا ببص لمنزد الدرس بقول - 00:52:00

الحمد لله. يعني دول انقايلوا بسبب الدرس ده. الحمد لله. يعني الصحبة دي شاييفة بعضها. والاخوة دول بيحبو بعض. وبيحضنو بعض بسبب الدرس ده. الحمد لله. بس السنة مش عارف اعيش حياة انت تقدر تعيشها الوقتي. الحق عيشها. الحق عيش قيام. الحق عيش - 00:52:10

صيام قبل ما تلاقي نص الاسبوع عندك سفر ما تبلاش عارف تصومه. الحق عيش تدبر الحق روح المقابر جنبنا ايه؟ بيننا وبينها خمستاشر خطوة شغل صورة قاف على الموبايل بتاعك انت وواحد صاحبك. واطلع على المقابر بالليل كده اقعدهوا لكم شوية كده فكر في اخترتك. الحقوا عيشوا دين يا جماعة. الحقوا - 00:52:30

اوعوا عيشوا بقلوبكم مع الدين. لأن الدنيا وحشة. هتخطفك يا اما هتستعمل بازن الله وده حلمنا كلنا. ولكن ساعتها هتتمنى انك كنت تعيش كل ساعة في حياتك قبل الاستعمال مع عبادة ربنا سبحانه وتعالى. تعالوا بقى ما نعيش فيخمس دقايق اللي باقيين دول مش عارف ازاي ولكن هو ما - 00:52:50

ما فيش قدامنا بديل. لا يوجد بديل امامنا آآآ مع الباقيه بتاعه عروض عشر ذي الحجة. اول حاجة القيام. بوصوا يا اخوانى في الله. يعني انا عايز يعني ايه؟ عايزين نتكلم في كل عبادة تلات دقايق بسرعة. ومش هنتكلم عن كل العبادات، لأن احنا قلنا ان كلمة العمل

الصالح. هو ده البرنامج بتاع عشر ذي الحجة. انت ممكن ربنا - 00:53:10

يفتح لك في حاجة غير دا غير دي غير دي. ولكن الحاجة المشتركة اللي ما ينفعش حد مننا يفلت منها هي ايه؟ الذكر. لأن قيام الليل هو الاول. انما الزكر عشر ذي الحجة اساسا ايام ذكر. ويذكروا اسم الله مش ويذكروا الله. ويذكروا اسم الله كأن ربنا - 00:53:30  
بيقول لك ارتبط بالاسماء الحسنى. اذكر ربنا في هذه الايام وانت قلبك عايش مع اسماء الله الحسنى. لأن عشر ذي الحجة ده دورة تربوية مكثفة في الحياة ذكر الله سبحانه وتعالى في ايام معلومات. نبدأ بقيام الليل النبي عليه الصلاة والسلام ثبت عنه انه قال عليه الصلاة والسلام ان - 00:53:50

يعني آآ الله يضحك الى رجلين منهم واحد عمل ايه بقى ؟ قام في ليلة باردة يبقى الرجل ده الدنيا متلجة. انا فاكر السننة اللي فاتت اما كنت كده ايه يعني مسلا اروح المسجد بدرى مسلا والدنيا تلتج كده في الشتا اللي فات. الحقيقة مسلا ايه كان في مسلا ناس تيجي تقوم الليل المعزم مش قادر - 00:54:10

الدنيا تلتج. فالتلتج ده اللي يصلي قيام ليل رغم ان الشتا اللي بتاعه اتاشر ساعة بس المعظم برضو مش قادر يصلي بسبب بسبب بسبب بسبب بسبب بسبب البرودة. ده توفيق رجل قام في ليلة باردة وفي رواية فار فور ثورة على النفس وعلى الكسل وعلى العجز. واحد قام انتفض قام - 00:54:30

وفي ليلة باردة بيتكتك فاكرین الشتا يا جماعة شهر واحد وهتفتكروه ان شاء الله ابشرولا يعني. ما تقلقوش. قام في ليلة باردة من لحافه ودفأه وفراشه ساب اللحاف وساب البطانية والكابرية والسرير ومراته اللي جنبه وقام. وقام يصلي فيقول الله لملائكته - 00:54:50

ما حمل عبدي هزا على ما فعل. ايه اللي مقومه والدنيا تلتج والناس كلها متتكلفة في البطاطين؟ فيقولون يا رب رجاء ما عندك وشفقة مما فيقول فاني اشهدكم يا ملائكتي اني اعطيته ما رجا وامنته ما يخاف - 00:55:10  
انا اللي يعني بيذوب قلبي يا جماعة في الحديث ده. ان الرجل ده واقف يصلي وبيتكتك وقاعد تعبان ونفسه ينام. والشيطان قاعد يفكروا في شكل البطانية. ولو سمع الحوار اللي من فوق سبع سماوات بيدور عشانه قلبه هيذوب. هيذوب من اللهفة على بدن - 00:55:30

اللي بيعدها في حديث اخر رجل قام يعالج نفسه يعالج نفسه دي غرابة باردة يعالج نفسه ده هيوموت عشان ينام. مش قادر قاعد وبيموت وقاعد يعالج نفسه قوم معلش معلش فيقول الله لملائكته من وراء الحجاب ما حمل عبدي انظروا الى عبدي هذا - 00:55:50

يعالج نفسه ما سأله عبدي هذا فهو له. ما سأله عبدي هذا ولا! انت متخل! الحوارات والاحاديث التي تدور من فوق سبع سماوات عشانك انت! وانت بتقوم الليل لو سمعتها لذاب قلبك - 00:56:10  
قال رسول الله صلى الله عليه وسلم من قرأ في ليلة عشر ايات كتب له قنطرار من الاجر. والقنطرار خير من الدنيا وما فيها يقال له يوم القيمة اقرأ وارقى بكل اية درجة. الحاجة الخطيرة في الحديث ده ايه؟ ان النبي قال لك اللي يصلي الليل بعشر ايات. عشر ايات - 00:56:30

الفاتحة وقل هو الله احده. او الفاتحة وقل اعوذ برب الفلق. عشر ايات. يعني انت ممكن يعني تستقل ان ركعة وخلاص عشر ايات دول يوم القيمة ترتفع بهم عشر درجات في الجنة. يعني هتندم قد ايه؟ لما تفاجئ ان كان فيه اعمال بسيطة اووي. انت - 00:56:50  
تاخد بها صوابات عالية اووي بس انت اللي استقلت بها. هتندم قد ايه. يبقى اول حاجة عرض القيمة يا جماعة. عرض الذين بيتون لربهم سجدا وقيمة عرض ام من هو قانت انا الليل ساجدا وقائما. يحذر الاخره ويرجو رحمة ربها. عرض كانوا - 00:57:10  
قليلًا من الليل ما يهجنون. مين هيقتنص العرض بتاع القيام في عشر ذي الحجة؟ يرفع ايده. من هيقتنصه؟ ها؟ هتنقصه قد ايه هتصلي بعد العشاء ولا قبل الفجر؟ قبل الفجر بربع ولا نص ولا ساعة ولا ساعة ها اللي هيصلي قبل الفجر ساعة يرفع ايده - 00:57:30

ان شاء الله بازن الله اللي ناوي طب واللي ناوي بعد العشاء ساعة يرفع ايده. جميل. طب واللي ناوي قبل الفجر ساعتين يرفع ايده؟ رائع طب واللي ناوي يصللي طول الليل؟ الله يعينه. بلاش يرفع ايده عشان ما يتحسدش. يبقى القيام. الصيام يا جماعة. الصيام. صيام التسع من ذي الحجة - 00:57:50

يوم العيد ما بيتصابش طبعا. صيام التسع من ذي الحجة يعني الصيام انا مش هاكتب في الكلام لأن احنا في الآخر الباقي الفليكس بتاع الصيام يعني الصيام العبادة الوحيدة اللي الاخلاص فيها مية في المية يقين. عشان كده العبادة الوحيدة اللي ما بتخلصها بتقول ايه -

00:58:10

ما شاء الله ثبت الاجر. خلاص هو فيه عبادة انت بعد كل عبادة بتقول ربنا تقبل منا. يا رب بعد الصيام ثبت الاجر. طب جبتها دي منين الوحيدة اللي الاخلاص فيها مية في المية. العبادة الوحيدة اللي تقدر تقدر ستاشر ساعة تعبد ربنا بها متواصل. ما حدش يقدر يقدر ستاشر ساعة يقرأ القرآن - 00:58:30

ما حدش يقدر ستاشر ساعة يعمل جولة يكلم الشباب عن ربنا متواصل. ما حدش يقدر يقدر ستاشر ساعة يزاكر كتاب آآ تفسير متواصل. انما تقدر تقدر ست ساعة صائم متواصل. يبقى العبادة الوحيدة اللي بتخليلك ستاشر ساعة متواصل. عداد حسناتك شغال حتى وانت نايم. العبادة الوحيدة اللي ربنا سماها - 00:58:50

القرآن سياحة العبادة الوحيدة اللي عليها حسانة يوم القيمة ما فيش حد يعرف ياخذ مظالمه منك من عبادة الصيام عليها حسانة ربانية يبقى دي الصيام. مين هيصوم التسع تيام يرفع ايده. ما شاء الله! جميل جدا. متهيأ لي اكتب عبادة الناس متواطئة - 00:59:10 او طبعا اخواتنا بالزات يعني ايه يعني بيصوموا التسع تيام بس صحي نيتك. ما تبلاش بنية الروشيد. تصومي بنية ربنا. تصومي بنية التقرب الى الله. مش بنية ان انت يعني ايه يعني الستات تلاقاهم بيحبو الصيام او ودي حاجة يشك فيها اصلا اشمعنى الصيام اللي بيحبوه كده؟ يعني فيه عبادات تانية فيه قيام ليه - 00:59:30

في تكبيرة احرام وفي بس هم ان شاء الله مخلصات يعني. العبادة الثالثة الذكر في لبس الزكر. باقة الزكر. عرض الزكر الله سبحانه وتعالى. انا هاقول لكم حديث واحد بس يا جماعة. ولكن لو قلوبنا عاشت معه هيفرق معنا كتير قوي. لو فهمنا معانيه. النبي عليه الصلاة والسلام واحد - 00:59:50

الصحابة في طريق مكة فلقي جبل اسمه جبدان. فقال سيروا هذا جندان. يعني ايه سيروا هذا جندان يعني؟ طب يا رسول الله ما احنا عارفين ان هو جمدان يعني بتتفكرنا بالجبل ليه؟ سبق المفردون. قالوا يا رسول الله ومن المفردون؟ قال الذاكرون الله كثيرا والذاكريات - 01:00:10

وفي رواية الذين بذكر الله. المولعين بالذكر. عارف انسان مولع. انسان شغوف. مولع. ان بالازكار وانواع افكار ومعاني الافكار ويقدر يذكر ليل نهار انك تبقى مولع بالذكر. مولع بذكر الله. النبي عليه الصلاة والسلام جاب لهم جبل ليه؟ لأن - 01:00:30

يعني آآ اول حاجة الجبل كل حصوية فيه بتسبح ربنا. فانت في منافسة مع كل حصوة في هزا الجبل. ولان دي عبادة الجبال. سيروا هزا جندان سبق المفردون من المفردین الذين افروضوا وجهتهم وقصدهم وطاقتهم في اتجاه واحد - 01:00:50

تفردوا في هزا الاتجاه عن سائر الخلق. يبقى اللي افروض نفسه لله. انتم عارفين ان الله وتر يحب الایه؟ الوتر. بعض شراح الحديث قال لك يعني ايه يحب الوتر قال لك مش يحب ركعة الوتر. ده بعض السرايا. قال لك يعني يحب من افرد نفسه لله. اللي خلى نفسه لربنا بس. يعني اوتر نفسه لله. انا بتاعك انت بس يا - 01:01:10

فسبق المفردون الذين افروضوا كل وجهة حياتهم لربنا بس. ربنا بس اللي في حياتي وجهتي فتفردوا عن سائر الخلق متفردين بقوا ايه عاملين زي العقد الفريد كده حاجة متفردة هذا جمدان سبق المفردون الذاكرون الله كثيرا والذاكريات - 01:01:30

الله كثيرا. شف كثيرا دي عند ربنا قد ايه بقى. شف كثيرا دي لما نبی من اولي العزم من الرسل سیدنا محمد عليه الصلاة والسلام يقولها. يبقى باقة في حاجات تانية يا جماعة قرآن طبعا يعني مناسب او حاجة جميلة او تجيئ ايه خاتمة قرآن. ان انت احنا معنا مصاحف النهاردة اهو - 01:01:50

معنا مصاحف ومعنا كتب ما شاء الله كتب آآ دكتور خالد ابو شادي اول مرة اصلي آآ هنوزع الوقت. دققة واحدة آآ معنا يعني مسألة ان انت تجيز ختمة في عشر ذي الحجة. انك تجاهد انك تجيز ختمة في عشر ذي الحجة. ان انت يعني آآ يعني يا اخواننا لو -

01:02:10

وانزلنا هذا القرآن على جبل لرأيته خاشعا متصدعا. اشمعنى جبل؟ لان الجبل ده اقل مخلوق على وجه الارض بيتأسر بما حوله. اقل مخلوق بيتتفاعل مع ما حوله هو الجبل. الدنيا بتقوم وبتتهدم والجبل ده مكانه. ما بيتأسر. فربنا جاب لك اقل مخلوق في التأثر قال لك هينهار -

01:02:30

لو تلقى هذا القرآن. طب انت قلبك ما بینهارش ليه؟ كان ربنا بيقول ده لو كان جبل كان انهار. انت قلبك صامد كده ليه؟ انت قلبك غليز كده ليه؟ انت -

01:02:50

حجر مع القرآن كده ليه؟ عندنا يا اخواني في الله الدعوة الى الله. الدعوة الى الله. يا ترى يا جماعة مين هييجيب خاتمة في عشر ذي الحجة؟ خاتمة بسبعمية ختمة. سبعمية بازن الله والله يضاعف لمن يشاء. طب مين هييجيب نص ختمة؟ خمسة اشهر جزء يعني جزئين في اليوم. طب مين هييجيب ربع ختمة -

01:03:00

طب مين مش هيقرأ القرآن خالص؟ طب اللي ما رفعوش ايديهم دول ناويين يعملوا ايه؟ انا عايز افهم بس. يعني اللي مربعين يقول لهم دول هم ناويين على ايه بالزبط -

01:03:20

حلو ولا وحش يعني ها هو التفاعل حلو فهمني يعني يعني عرفني انت فين عشان اعرف اقول لك خلاص يا دكتور. اركز في ازاي اخلاص يعني ما شاء الله جميل بس يعني. يا جماعة انا لما بأسألكم يعني -

01:03:30

انا مرة سأله سؤال في درس الجمعية. مين اللي كان معنا في درس الجمعية؟ يرفع ايده كده؟ الله اكبر. الله اكبر. الله اكبر والله الحمد. الناس بتستوي. اخيرا يا رجاله -

01:03:50

السلفوين بيستمروا على حاجة. ده ايه الجمال ده! طب انا اسأل سؤال بقى انا خايف اسألة. وانا سأله لكم المرة اللي فاتت في عرفة حد فاكر السؤال كان ايه؟ ايه يا شيخ احمد؟ اه فطبعا اتكبست. اه لما قلت مين اللي كان معه السنة اللي فاتت اتكبس فقلت لكم عامل ايه -

01:04:00

قلت لكم السنة الجاية هعمل ايه؟ هسأل نفس السؤال يا جماعة ان شاء الله شوفوا الايام عدت ازاي سبحان الله! الكلام ده كان يوم عرفة السنة اللي فاتت. ايام عدت ورجعنا تاني -

01:04:20

ربنا يحيينا يا رب على طاعته يا رب. ان جينا عرفات ان شاء الله هيبقى عرفات هنا بازن الله سبحانه وتعالى هيبقى الاعتكاف هنا من الليلة اللي قبلها. بازن الله سبحانه وتعالى -

01:04:30

فان جينا يعني ان جينا عرفات وسألتكم يا جماعة مين كان معنا في عرفات السنة اللي فاتت؟ يرفع ايده كده يعني النسبة تحسنت جدا جدا عن السنة اللي فاتت. رغم ان السنة اللي فاتت لما قلت مين هيقول انا السنة الجاية -

01:04:40

كله رفع ايده بس حلو جدا ان النسبة بتتحسن باستمرار يا جماعة. ما فيش حد بيكم. عايزين نكسر دي بقى. عايزين نعلم الاجيال اللي هتتجي بعدنا ان شاء الله بازن -

01:05:00

ان يا ابني انا بقى لي عشرين سنة باحضر درس. انا يا ابني بقى لي خمسة اشهر سنة باقى الليل. انا يا حبيبي بقى لي ستة اشهر سنة باروح تدبر اه كنا مع بعض اخواننا كده في مكان تدبر في واحد مننا بيقول انا بقى لي تمنتاشر سنة باجي هنا. ايه؟ هو ما اتحسدش ولا حاجة وراح تاني الحمد لله -

01:05:10

هو بقى بيقول ما هو برضو اللي موجودين بيبيقوا يعني يستاهلو انهم يسمعوا الكلمة دي. ان انا احنا يا جماعة انا بفك نعمل ميداليات استمرارية. عارفين يعني ايه يعني ميدالية مكتوب عليها ست شهور. اللي بقى له ست شهور سابت في درس. اسبوعي. ميدالية مسلا سنة اللي بقى له سنة. ميدالية -

01:05:30

مثلا آآ سنتين نشوف مسلا حضور الدرس وحاجة تانية قيام الليل مسلا. اي حاجة. يعني نشوف حاجتين ونعمل لهم ميداليات.

ميدالية زهبية وميدالية فضية. ونوزع بقى ونشوف استعداد الناس نشوف استعداد الناس ايه. الدعوة الى الله. فليكس الدعوة الى الله. او باقة الدعوة الى الله. ان انت تجيب ورق عن عشر ذي الحجة وتوزع. بس دي خيابة - 01:05:50

معلش يا جماعة ما تزعلوش مني يعني. يعني امبارح كت انا وعمنا الشيخ تامر كده نزلنا قهوة من القهاوي كده فقعدنا نكلم الشباب وبعد كده في الاحر العيشة ادنت. ما عادش في وقت نكلم شباب - 01:06:10

اكثر من كده. خلاص كلمنا مسلا شلتين ثلاثة ما عدش في وقت اكتر من كده قمنا موزعين ورقة عشر ذي الحجة بقى. بيقى ازا التوزيع ده حاجة بتتسند انما ده مش - 01:06:20

انما مين ناوي يتكلم عن عشر ذي الحجة؟ مين ناوي؟ يعني انا مش عايز اقول لك برضو تروح بقى تشير لي على الواتس والفيسبوك يعني ايه ده ده طاعة معروفة وده كلام سهل اصلا وايه وان كان مطلوب وهم جميل الا ان مين ناوي يفتح بقه ويتكلم عن عشر ذي الحجة - 01:06:30

يرفع ايده كده اللي عنده عزيمة ان حاجة من اللي سمعها النهاردة كده هيبلغها لاصحابه ويبلغها لاهله ويبلغها لقرايبه ويبلغها في المسجد اللي بيصللي فيه مين ناوي يعني يطلق لسانه في الكلام عن الله في عشر ذي الحجة؟ ها يرفع ايده كويس جدا - 01:06:50 واحد من فضله منه الله يعني على الاقل نص الدرس معنا في الفلكلورات بتاعتنا او في يعني الباقيات بتاعتنا ما تنسوش الاضحية يا جماعة. اللي ناوي يضحى حاجة عظيمة او انت ماسك الخروف كده بتديبحه افتكر ان في نفس اللحظة دي من كذا الف سنة ما كانش واحد ماسك خروف بيديبحه. كان واحد ماسك ابنه بيديبحه. فانت - 01:07:10

بتديبح افتكر ان انت اللي مكان اللي بتديبح ده. لو انت اللي مكانه كنت هتقبل شف الخروف مسلم لك ازاي! ها تخيل بقى ان الزبيب كان مسلم نفسه لسيدنا ابراهيم نفس التسليم ده. فلما اسلما سايب نفسه بتديبح بدون اي مقاومة. انت تقدر تعمل كده عشان ربنا - 01:07:30

عشان كده اسمها الاضحية من التضحية. من التضحية. انت تقدر تعمل كده عشان ربنا تقدر تعيش المعنى. ده الموضوع بسيط جدا. هو الخروف وصل لكم الوقتي ستلاف مين يا عم انتم هتشتغلونا؟ ايه؟ هتلاقى الخروف بالف جنيه ولا حاجة - 01:07:50 ثلاثة واربعة انت عاملين زي زو الحجة اتنين ولا ثلاثة. يا عم ما الخروف بكم يا رجاله؟ اخر عهد به كان بالف ومتين جنيه الف وتلتمية جنيه. دلو قتي بكم؟ تلات تلاف جنيه - 01:08:10

والله يا جماعة انا باقول يعني ان فيه باقات جميلة يعني باقة الاضحية الله يعينكم بقى تلات تلاف جنيه دلو قتي طبعا يعني ايه يعني الحمد لله يعني ايه مش مبلغ كبير او يعنى. صح ولا ايه؟ اتنين ده لا ما هو الخروف لواحد اللي يخشوا اه العجل هو اللي يخش فيه سبعة - 01:08:20

انما الخروف واحد. فشدوا حيلكم يا جماعة. تلات تلاف جنيهه. هتروحي تعطيكي لبابا النهاردة بالليل. قلت له تلات تلاف جنيهه. هيقول لك خلاص يا ابني انت زعلك على ايه ده موضوع بسيط يعني هترووح تعطي النهاردة للسيد الوالد او لو باعت خاتم شوفوا الناس المضحيات ما هوش متجوز مش عارف لسه يا عيني غلبة بيقول لك - 01:08:40

لو بعت خاتم يلا الحمد لله ربنا بيارك لنا في زوجاتنا يا رب الحمد لله. طيب يا اخوانى نوصل بقى للتوصيات النهائية. يعني بعد الكلام عن الكلام العملي التوصيات النهائية. اول حاجة يا اخواننا هنعمل ايه في عشر ذي الحجة؟ عشر ذي الحجة عشر ايام عبادة. يا اخوان ما عدا اليوم العاشر - 01:09:00

يوم من بعد عرفات اليوم العاشر بليلته دي عبادات اجتماعية. صلة ارحام الكلام ده هنقوله الجمعة الجاية ان شاء الله. الجمعة الجاية ان شاء الله بازن الله هنفطر مع بعض هنا ان شاء الله بازن الله - 01:09:20

خلاص يا جماعة هنفطر على حساب مين بقى؟ مين اللي هيدفع المهر يا جماعة هنفطر عشان ما فيش حد اتبرع كده لوجه الله كده واحد يقول انا انا اجيبي مية واحد يقول انا اجيبي خمسين. واحد يقول انا اجيبي مية وخمسين وجبة. ده عشر ذي الحجة يا اخواننا - 01:09:30

اليوم بسنة وانس ابن مالك بيقول لك اليوم بالف يوم. يعني انت متخييل كده الوجبة الواحدة بالف وجبة. يعني حاجة يعني مش آآ حاجة ما تتعوضش يعني ها فالوقت اما واحد يقول كده انا هجيب مسلا ميت وجبة. واحد ان شاء الله بازن الله ما تقلقوش يا اخوانا ان شاء الله نفتر مع بعض رجالا ونساء - 01:09:50

الجمعة الجاية بازن الله سبحانه وتعالى سم نبدأ الدرس بتاعنا ان شاء الله بازن الله. المرة الجاية احنا عاملين دورة صورة آآ دورة ايات عباد الرحمن دورة ايات ايه؟ عباد الرحمن. مين اللي مشتركين فيها؟ في الورش؟ طيب يعني العدد مش كبير. طيب يعني المفروض ان يعني اللي عايز يشترك - 01:10:10

في الورش بسرعة في دورة عباد الرحمن يعني يعرف من خلال الورش بقى الدورة ازاي ويدخل الامتحان ازاي بازن الله سبحانه وتعالى. لأن المرة الجاية يعني انا بافكر الجدية ان احنا نتكلم عن هزا النموذج المبهر نموذج عباد الرحمن ويبقى اعلان لميعاد الامتحان بتاعها اللي عايز يدخل امتحان عباد الرحمن من الايه - 01:10:30

من الورش. آآ طيب آآ حد منكم متتابع مسابقة سورة الحج يا اخواني؟ مسابقة سورة الحج. هو يعني طيب خلاص ده بقى من خلال الفيس ان شاء الله الجمعة الجاية قلنا موضوع عشر ذي الحجة بقى والukoof على عبادة ربنا انت ممكن تشووف مسجد تبعد فيه. يعني انا ابا بفكر الى حد ما انا نفسي اشوف مسجد واقعد فيه - 01:10:50

آآ آآ ان شاء الله بازن الله حد معه الورقة ده ورق الزكرا ده بتاع الزكرا اذكار الصباح والمساء طب يا ريت لو يبقى موجود الجمعة الجاية او يعني نحاول يعني ايه نجيبيه للناس على قد ما نقدر يعني قبل هزا او في هزا. ايوه. الشيخ مصطفى. يوم الثلاثاء يوم - 01:11:10 تلاتة يا جماعة في التوحيد الشيخ مصطفى العلوى هيشرح ايات عباد الرحمن. يعني واحدين بالكم يعني ايه يبقى انت هتسمع شرح الشيخ مصطفى ربنا يحفظه ويبارك فيه شيخنا واستاذنا ونور عنينا في مسجد ايه؟ مسجد توحيد. مسجد توحيد ممكن نتقابل هناك ان شاء الله بازن الله. يوم الثلاثاء من المغرب للعشاء. نسمع شرح يا - 01:11:30

الرحمن بازن الله وبعد كده نيجي يوم الجمعة بقى تسمع شرح عباد الرحمن هنا. يعني يبقى انت سمعت هنا وسمعت هنا وان شاء الله لعل هزه المعاني ايه تطرق قلوبنا كده ونتأسر بها. وممكن نقول للدكتور خالد حداد كمان في الجماعة الشرعية. الجمعة الجاية ممكن تبقى بروض ايه؟ عباد الرحمن ويبقى المنصورة كلها عباد الرحمن بقى وايه - 01:11:50

آآ لعل ربنا يرزقنا هزه الصفات. اسأل الله سبحانه وتعالى ان يبلغنا عشر ذي الحجة. وان يفتح علينا فيها فتحا عظيمـا. انه ولي ذلك والقادر عليه. سبحانهك اللهم وبحمدك اشهد ان لا اله الا انت استغفرك واتوب اليك - 01:12:10 - 01:12:30